



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

ASSENTADURAS ABERTAS A SU CURSU 'NON SOLO MIELE 2022', DEDICAU A SU SETORI DE IS ABIS

Su Comunu de Quartu S. Aleni at addiriu a sa faina progetuali 'Non solo miele 2022', promòvia da sa dita Istrù, chi mirat a donai is cumpetèntzias e abilidadis de basi po podi traballai in su setori de is abis. Sa punna est cudda de fai apicultoris nous, po ddus incarrerai in fainas hobìsticas o de impresa, siat a solus ca imparis.

Su cursu s'at a tenni anca est su Parcu Naturali Regionali Molentargius-Saline, partner de su progetu. Nci funt 80 oras de formatzioni teòrica/pràtica e de laboratòriu e una parti finali de orientamentu a s'inghitzu de s'atividadis, ca fait a connosci fintzas is finantziamentus e is agiudus econòmicus chi serbint.

Si fait sciri a is interessaus ca is iscrizionis a su progetu funt abertas; is dimandas depint lompi intra de su 7 de friaxu. Po àteras informatzionis fait a castiai su giassu www.istru.it.